

1585 cat



4.7139

SANCTISS. D. N.
SIXTI PAPÆ V.
DECLARATIO

Contra Henticum Borbonium assertum
Regem Nauarræ, & Henricum item
Borbonium, præensum Principem
Condensem Hæreticos, eorumque
posteror & successores: Ac liberatio
Subditorum, ab omni fidelitatis &
obsequij debito.

1585

Case

F

39

.326

1585 cat

THE NEWBERRY
LIBRARY



SIXTVS EPISCOPVS

*Seruus Seruorum Dei, Ad futuram
rei memoriam.*

A IMMENSA aeterni Re-
gis potentia beato Petro, eiús-
que successorib⁹ tradita aucto-
ritas omnes terrenorū Regum, & Prin-
cipum supereminet potestates, stabili-
que in petra consistens, nec ullis aduersanti-
bus, vel etiam secundis flatibus à recto
deflexa, inconcussa profert in omnes iu-
dicia; & ne diuinæ maximè leges violen-
tur, summa ope prouidet, & si quos ordi-
nationi Dei resistentes inuenit, seuerio-
re hos vindicta ulciscitur, & quàmuis
potentiores de solio deiiciens, veluti su-
perbiētis luciferi ministros ad infima ter-
ræ deturbatos prosternit. Quare pro in-
cumbenti nobis Ecclesiarum omnium, po-

pulorum, ac gentium sollicitudine, ut animarum saluti in primis prospiciatur, & non solum famulatus nostri, sed etiam omnia futura tempora impiis, ac detestandis monstris purgata cunctis Christiani Orbis partibus pacem afferant, & quietem, & præsertim amplissimo Gallie Regno, in quo Christiana Religio omni tempore ita viguit; tantæque Regni illius pietas, fides, ac deuotio, tot in Romanam Ecclesiam merita extiterunt; ut ij iure optimo gloriosissimum Christianissimi cognomen ob ea sint consecuti; ac etiam ne nos de neglecta officij nostri cura unquam apud Deum argui possimus, arma militiæ nostræ, quæ non carnalia sunt, sed potentia Deo in destructionem munitionum nunc contra duos potissimum iræ filios, Henricum Borbonium quondam Nauarræ Regem, & Henricum item Borbonium olim Principem Condensem exercere compellimur. Ille enim quondam Rex,

Caluini errores, atque hæreses etiam ab
 ineunte adolescentia secutus est, pertinax-
 que earum patrocinium tandiū exercuit,
 quoad claræ mem. Caroli Noni Franco-
 rum Regis, & charissimæ in Christo filiæ
 Catharinæ Reginae eius matris pientissi-
 mæ, atque etiam dilecti filij nostri Caro-
 li tit. s. Chrysogoni presbyteri Cardina-
 lis Borbonij patrui sui, & Ludouici Mō-
 penseriij Ducis, pijs frequentibusque hor-
 tationibus, apertisque eximie virtutis ac
 doctrinæ Theologorum demonstrationi-
 bus ad fidem Catholicā & Apostolicam
 Romanam (ut existimabatur) cōuersus,
 hæreticas omnes contra fidē Catholicam
 opiniones Parisiis publicè in Ecclesia da-
 mnauit, anathematizauit, & abiurauit,
 fidemq; ipsam Catholicam expressè pro-
 fessus est; datisque subinde suis ad fe. re.
 Gregorium Papam XIII. prædecesso-
 rem nostrum literis, quibus eundem præ-
 decessorem supremum Catholicæ Eccle-

si caput iam agnoscens, ipsum supplex
 deprecabatur, ut pœnitentiæ, conuersio-
nis, & obedientiæ suæ confessionem acce-
ptam habere, & anteactorum veniam,
remissionisque gratiam cōcedere dignare-
tur, firmiter promittens se fidem ipsam
Catholicam perpetuò integrè, ac inuiola-
tè seruaturum. Quibus literis, ut potè
Regis idem prædecessor credens, & pa-
ternæ charitatis visceribus commotus, ac
 etiam grauissimo Regis, Reginæ matris,
Cardinalis & Ducis prædictorū de hu-
iusmodi conuersione testimonio adductus,
 illum ipsum præteritos errores confiten-
 tem, veniámque humiliter petētem à cri-
mine hæresis, & à censuris Ecclesiasticis
 propterea incurfis absoluit, & in gremiū
Sanctæ matris Ecclesiæ communionem-
que fidelium admisit, omni inhabilitate
 ab eo sublata. Quin etiam ut arctiori, &
firmiori vinculo ligaretur, cum eo, &
Margarita dicti Caroli Regis sorore,

quæ ex illa Christianissima stirpe nata,
 atque alta facile maritum in officio, &
 Religionis Catholicæ observantia contine-
 re posse sperabatur, dispēsavit, ut non ob-
 stantibus impedimentis tertij, & aliorum
 forsan inter eos graduum consanguinita-
 tis, & cognationis spiritualis, matrimo-
 nium inter se contrahere possent, prout in
 facie Ecclesiæ contraxerunt; excursisque
 deinde aliquot mensibus, ille Ioannē Du-
 ratij Dominum Oratorem suum, qui no-
 mine suo de pœnitentia, conuersione, fide,
 & constantia sua in sedis Apostolicæ cō-
 spectu spōderet, ad dictum prædecessorem
 delegavit; habitoque pro eo publico, so-
 lemnique in aula Regia de more cōsisto-
 rio, in confessu Sanctæ Romanæ Ecclesiæ
 Cardinalium, Prælatorumque, & alio-
 rum frequentissimo concursu, professis o-
 mnibus supradictis, idem Henricus tan-
 quam Rex recens ad fidem conuersus, &
 ut Catholicus admissus est, tota Vrbe

exultante, & ingentes Deo de conquista
 & inuenta oue gratias agente. Sed ille,
 ut erat vario & inconstanti animo, huc
 multò post à Catholica fide, & debita
 erga sedem Apostolicam obedientia, cæ-
 terisque à se expressè, & cum iuramen-
 to professus deficiens, atque in eo, quo
 prius erat, cæno reuolutus, à Rege Chri-
 stianissimo clam se subducens, collectio-
 que in loco ab ipsius Regis aula satis re-
 moto, quàm potuit copioso hæreticorum
 sceleratorum, aliorumque id genus im-
 piorum hominum numero, ibi ea omnia,
 quæ de Calvinismi detestatione, hære-
 sum omnium abiuratione, ac Romanæ
 fidei Catholicæ & Apostolicæ professio-
 ne antea fecerat, palàm reuocauit, testi-
 ficans, se Calvinismum ipsum profiteri;
 prout professus est, eique heresi pertina-
 ci, & obdurato animo semper adhæsit;
 & in ea hucusque viuens, sæpius hære-
 ticos perduelles, ac seditiosos (quorum
 caput,

caput, dux, & propugnator in Gallia,
 & etiam exterorum hæreticorum accer-
 rimus fautor (semper fuit) ad arma con-
 tra prædictum Carolum, ac etiam cha-
 rissimum in Christo filiū nostrum Hen-
 ricum Francorum Regem Christianissi-
 mum, tametsi eum ut Regem, ac Domi-
 num suum colere, ut sororium amare, &
 sequi debebat, omnis scilicet officij, ac
 pietatis immemor, aduersus ipsam, &
 reliquos Catholicos omnes concitauit;
 infestissimos exercitus, accitis etiam
 externarum nationum hæreticis contra-
 xit; à quibus omnia passim loca cruen-
 tis piorum hominum cædibus fœdata,
 sacra Dei templa temerata & direpta,
 Sacerdotes, & viri religiosi cruciati-
 bus trucidati sunt: oppida præterea, &
 munitiones Catholicorum partim insi-
 dijs, partim vi, & armis occupauit, &
 in eis Catholicæ Ecclesiæ ritus prohibuit,
 ac sustulit; ministros, & concionato-

res hæreticos constituit, Ciues & Inco-
 las ad eandem impietatem capeffendam
 minis, verberibúsq; coëgit. Sed ne
 hæc quidem satis sibi esse existimans,
 inter alios, intimum quendam suum ne-
 farijs artibus suis instructum, extra Gal-
 liæ fines ad diuersa loca misit, per quem
 cum primarijs hæreticis impia consilia
 sua communicauit, eorúmq; vires, &
 arma contra Religionem Catholicam,
 & Romani Pontificis potestatem pro-
 uocauit; conciliabula quoque hæretico-
 rum in diuersis Prouincijs habenda cu-
 rauit; quorum nonnullis (dum iniquis-
 sima illa fœdera contra fidem Catholi-
 cam, ac præsertim contra Ecclesias, Cle-
 rû, & vniuersos Catholicos Regni Frã-
 ciæ tractabantur) ille nõ solum interfuit,
 sed etiam præfuit: Henricus vero Borbo-
 nius Princeps Condensis, utrôq; parente
 hæretico genitus, cū illi exitialia Caluini
 dogmata, eorúmq; ministros pertina-

citer in omni vita fouissent, eorūdem patris, ac matris secutus hæreses, consimilia facinora etiam adolescens perpetravit: deinde eadem illa, qua alter Henricus, opera, viam veritatis pœnitentia, & humilitate cordis quantum coniici potuit, arripiens, detestatisque pariter, & abiuratis publicè omnibus hæreticorum erroribus & deliramētis, fidem Catholicam, ut præfertur, professus est. Quibus ad eundem Pontificem perlatis, ac etiam pro eo similibus precibus porrectis, ipse prædecessor illum, ac etiam quondam Mariam Cliuensem prætensam coniugē suā, eodem tunc hæresis crimine infectam, simili modo pœnitentem, detestantem, ac profitentem ab hæresi & censuris huiusmodi absoluit, eosque in gremium Catholice Ecclesiæ, fideiūque consortium recepit, quinetiam ex paternæ charitatis abundantia, cum eis, ut non obstante impedimento secundi gradus consanguini-

tatis, quo inuicem tenebantur, matrimo-
 nium inter se contrahere possent dispensa-
 uit. Sed ille paulò post ad pristinam im-
 pietatem rediens, deterrimamque illam
 viam, quæ signata, & impressa erat ve-
 stigis quondam Ludouici Condensis pa-
 tris sui impiissimi Catholica Eccl. siæ per-
 secutoris ingressus, eisdemque vestigiis in-
 sistens, se quoque hæreticorum ac consce-
 leratorum hominum dicti Regni Gallie
 Ducem, ad defensorem, bellorumque ci-
 uilium, ac seditionum auctorem præstitit;
 militum hæreticorum exterorum copias
 in Galliam transduxit, Vrbes & oppi-
 da expugnare tentauit, Tempia euertit,
 sacra violauit & populatus est, Sacerdo-
 tes indignis modis necauit; ministrósque
 impietatum substituens, perversam illo-
 rum doctrinam publicari, & custodiri
 iussit; & denique omne feritatis & sæ-
 uitie genus, tam in Dei ministros, quàm
 in ceteros Catholica fidei cultores exer-

cuit. Quæ omnia cum manifesta, publica, & notoria sint, cumque nobis plenè, & legitimè constet, præsertim ex processu tempore eiusdem fere. Gregorij Papæ prædecessoris nostri confecto, & aliis quàm plurimis documentis, & grauißimis testimoniis, Henricum quondam Regem, & Henricum Condensem prædictos notorij, & inexcusabilis criminis hæresis, & in hæresim relapsus, atque etiam hæreticorum fautoria reos existere; Nos gladium vindictæ contra eos pro officij nostri debito exerere coacti, vehementer indolemus, quòd illum in hanc prolem detestabilem, ac degenerem inclytæ Borboniorum familiæ, in qua spectatæ Religionis candor, & virtutis decus, ac in sedem Apostolicam obseruantia omni tempore emicuit, pro his sceleribus conuertere debeamus. Itaque in præcelso hoc solio & in plenitudine potestatis, quàm ipse Rex Regum, &

*Dominus dominantium, licet nobis indi-
 gnis tribuit, constituti, auctoritate Dei
 omnipotētis, ac beatorum Petri & Pau-
 li Apostolorum eius, & nostra, ac de ve-
 nerabilium fratrum nostrorum Sanctæ
 Romanæ Ecclesiæ Cardinalium consilio,
 pronūciamus, & declaramus Henricum
 quondam Regem, & Henricum Con-
 densen supradictos fuisse, & esse hære-
 ticos, in hæreses relapsos, & impœnitent-
 es, hæreticorum quoque duces, fautores,
 & defensores manifestos, publicos, &
 notorios, sicq; læsæ Maiestatis diuinæ
 reos, & orthodoxæ fidei Christianæ ho-
 stes, adeò ut nulla possint se tergiuersatio-
 ne, aut excusatione defendere, ac proinde
 eos damnabiliter incurrisse in sententias,
 censuras, & pœnas sacris canonibus, &
 constitutionibus Apostolicis, legibúsque
 generalibus, & particularibus contentas,
 ac hæreticis relapsis, & impœnitentibus
 debitas, & specialiter eosdem fuisse, &*

esse ipso iure priuatos, Henricum quondam Regem, videlicet prætenso Nauarræ Regno, illiusque parte, quam adhuc obtinuit, necnon Bearn; alterum verò Henricum, Condensi, & utrúmque, eorúmque posteros omnibus, & quibuscunque aliis Principatibus, Ducatibus, Dominis, Ciuitatibus, & locis, feudisque, & bonis etiam emphyteoticis, & successionibus, necnon dignitatibus, honoribus, muneribus, & officiis, etiam Regiis, ac iurisdictionibus, & iuribus, quæ de facto detinent, & ad quæ ius quomodolibet habuerunt, seu prætendunt, eosdémque propterea se illis reddidisse indignos; ac fuisse, & esse inhabiles, & incapaces ad illa retinenda, & alia huiusmodi in posterum obtinenda. Ac pariter eos ipso iure priuatos, & incapaces, ac inhabiles ad succedendum in quibuscunque Ducatibus, Principatibus, Dominis, & Regnis, ac specialiter in Regno Franciæ, in quo

tot atrocias, & nefaria crimina patra-
runt, ac Regno ipsi annexis dominiis, iu-
risdictionibus, & locis, cæterisque om-
nibus bonis, & rebus prædictis, & ad
illa aliàs quomodocunque acquirendum,
prout etiam ex abundanti, & inquan-
tum opus est, nos illos, illorúmque poste-
ros priuamus in perpetuum, videlicet
Henricum quoddam Regem Regno Na-
uarræ, & illius parte, ac Bearn, & al-
terum Henricum Condensi, ac utrun-
que, & eorum posteros aliis Principati-
bus, Ducatibus, Dominiis, Feudis, ac cæ-
teris omnibus bonis, & rebus; necnō iure
succedendi & acquirendi, aliisque præ-
dictis vniuersis, & singulis: Ac etiam in
perpetuū inhabilitamus eosdem, eorúm-
que posteros ad illa, & ad successionem
in quibusuis Principatibus, Ducatibus,
Dominiis, Feudis, & regnis, & signan-
ter in Franciæ Regno, & illi annexis
omnibus supradictis, suppletes omnes
iuris

iuris & facti defectus, si qui forsan interuenerint in eisdem. Quin etiam Proceres, Feudatarios Vassallos, Subditos, & Populos Regnorum Ducatuū, Principatuum, & aliorum Dominiorum prædictorum, etiam alium superiorem non recognoscentes, ac ceteros omnes, qui illis quomodocunque iurauerunt, à iuramento huiusmodi, ac omni prorsus Domini, fidelitatis, & obsequij debito perpetuò absolutos esse, prout nos illos omnes tam vniuersè, quàm singulatim, auctoritate presentium absoluiamus, & liberamus; Præcipimusque & interdiciamus eis vniuersis & singulis, ne illis, eorum vè monitis, legibus & mandatis audeant obedire; qui secus fecerint, eos excommunicationis sententia innodamus eo ipso. Ceterum eundem charissimum in Christo filium nostrum Henricum Francorum Regem Christianissimum per viscera misericordiae Iesu Christi hortamur, rogamus, ac

C

etiam monemus, ut memor præstantissimæ fidei, & religionis Regum maiorum suorum, quam quasi hereditatem longè ipso Regno potiore ab eis accepit, memor etiam illius iuramenti, quod in eius coronatione de exterminandis hæreticis solemniter præstitit, auctoritate, potestate, virtute, atque animi magnitudine verè regia ad executionem tam iustæ huius sententiæ nostræ incumbat, ut scilicet in hoc quoque gratum se omnipotenti Deo exhibeat, & matri suæ Ecclesiæ obsequium debitum persolvat. Præterea omnibus venerab. fratribus nostris Primatibus, Archiepiscopis, & Episcopis per Regnum Franciæ, Navarræ Bearn, & alia prænominata loca constitutis in virtute sanctæ obedientiæ precipimus, & mandamus, ut cum primùm harum literarum exempla ad eorū manus pervenerint, illa publicari faciant, & quantum in ipsis erit, ad effectum perducere curent.

*Volumus autem, quòd eadem præsentes
nostræ literæ ad valuas Basilicæ Princi-
pis Apostolorum, & in acie Campi Flo-
ræ de Vrbe, vt moris est, affigantur, &
publicentur; quòdque earum exemplis
etiam impressis, ac Notarij publici manu,
& prælati Ecclesiastici, eiusvè Curie si-
gillo obsignatis eadem prorsus fides in iu-
dicio, & extrà illud ubique gentium ha-
beatur, quæ haberetur ipsis præsentibus,
si essent exhibitæ vel ostensæ. Nulli ergo
omnino hominum liceat hanc paginam
nostræ pronũciationis, declarationis, pri-
uationis, in habilitationis, suppletionis,
absolutionis, liberationis, præcepti, inter-
dicti, innodationis, hortationis, rogatio-
nis, monitionis, mandati, & voluntaris
infringere, vel ei ausu temerario contrai-
re. Si quis autem hoc attentare præsum-
pserit indignationem omnipotentis Dei,
ac beatorum Petri & Pauli Apostolo-
rum eius se noverit incursum.*

*Datum Romæ apud sanctum Mar-
cum Anno incarnationis Dominicæ
Millesimo, Quingentesimo Octogesimo
quinto, Quinto Idus Septembris, Pon-
tificatus Nostri Anno Primo.*

A: de Alexijs.



*Ego Sixtus Catholicæ
Ecclesiæ Episcopus.*

*

*

* Ego Io. Antonius Episcopus Tusculanus Card.
Sancti Georgij.

*

*

*

* M. Sitticus Card. ab Altaemps.

* Ego Inn. Aualus Card. de Arag.

* Ego P. Card. Sanctacrucius.

* Ego Gulielmus Sirletus Card.

* F. Michael Bonellus Card. Alex.

* Ego Ludouicus Card. Madrutius.

- * Ego Nicolaus Card. Senonensis.
- * Iul. Anct. Sanctorius Card. S. Seuerine.
- * P. Card. Cæsius.
- * Ego Hier. Card. Rust:
- * Io. Hier. Card. Albanus.
- *
- * P. Card. Deza.
- * Ego Ant. tit. SS. Io. & Peuli Card. Carafa.
- * Io. Ant. Card. SS. Quattuor.
- * Ego Io. Bap. Card. S. Marcelli.
- *
- *
- *
- *
- *
- * Ego Aug. Card. de Verone.
- * Ego Vin. Card. Montis Regalis.
- *
- * M. Card. S. Stephani
- * Scipio Card. Lancellotus.
- *
- * Ferd. Card. de Medicis:
- * Phil. Vast. Card. Cam.
- *
- *
- * Ego Vincentius Card. Gonzaga
- * Ego Franciscus Card. Sfortia S. Nicolai.
- *
- * Alexander Card. de Montcalto.

Anno à Natiuitate Domini millesimo quingentesimo octuagesimo quinto, indictione decima tertia, Die vero vigesima prima mensis Septembris, Pontificatus sanctiss. in Christo Patris, & D. N. D. Sixti diuina prouidentia Papæ Quinti Anna primo, Retroscriptæ literæ affixæ, & publicate fuerunt in Basilica Principis Apostolorum de Vrbe, & in acie Campi Floræ per nos Hieronimum Lucium, & Nicolaum Tagliettam sanctiss. D. N. Papæ Curs.

Io. Andrea PaniZZa
Mag. Curs.







